

YUKLANGAN HADLI KORTEVEG-DE FRIZ TENGLAMASINI DAVRIY FUNKSIYALAR SINFIDA INTEGRALLASH

Omonov Sherzod¹

Yuldashev Sanjarbek²

Keunimjayev Muxamedali³

Toshkent Davlat Iqtisodiyot Universiteti

KEYWORDS

Davriy funksiyalar sinfi, davriy masala, teskari spektral masala, Shturm-Liuvill operatorlarining Lyapunov funksiyasi.

ABSTRACT

Hozirgi kunda nochiziqli to'liqlar nazariyasidagi izlanishlar, jumladan, optik solitonlar telekommunikatsion texnologiyalar sohasida qo'llanila boshladi. Bundan tashqari, fizik sistemalarga ta'sir etuvchi kuchlar faqat vaqtning ma'lum bir davri mobaynida chegaralangan bo'ladi, shuning uchun haqiqiy modellar fazoviy o'zgaruvchilar bo'yicha davriy va deyarli davriy funksiyalar sinfidagi tenglamalarni o'rganishga keltiriladi. Shu munosabat bilan davriy funksiyalar sinfidagi yuklangan nochiziqli modifitsirlangan Korteveg-de Friz tenglamasini o'rganish maqsadli ilmiy tadqiqotlardan hisoblanadi. Bu paragrafda davriy koeffitsientli Shturm-Liuvill operatorlarining kvadratik dastasi uchun qo'yilgan teskari spektral masalaga oid kerakli ma'lumotlarni keltramiz.

2181-2675/© 2025 in XALQARO TADQIQOT LLC.

DOI: **10.5281/zenodo.15537622**

This is an open access article under the Attribution 4.0 International (CC BY 4.0) license (<https://creativecommons.org/licenses/by/4.0/deed.ru>)

1-§. Lyapunov funksiyasining xossalari.

Butun o'qda berilgan ushbu

$$-y'' + q(x)y = \lambda y, \quad -\infty < x < \infty, \quad (1.1)$$

Shturm-Liuvill masalasini ko'rib chiqamiz. Bu yerda $q(x)$ haqiqiy uzluksiz π -davrlı funksiya.

$c(x, \lambda)$ va $s(x, \lambda)$ orqali (1.1) tenglamaning ushbu

$$\begin{cases} c(0, \lambda) = 1 \\ c'(0, \lambda) = 0 \end{cases} \quad \text{va} \quad \begin{cases} s(0, \lambda) = 0 \\ s'(0, \lambda) = 1 \end{cases} \quad (1.2)$$

boshlang'ich shartlarni qanoatlantiruvchi yechimlarini belgilaymiz. Soddalik uchun quyidagi

¹ Toshkent Davlat Iqtisodiyot Universiteti Oliy va amaliy matematika kafedrasining o'qituvchisi

² Toshkent Davlat Iqtisodiyot Universiteti Oliy va amaliy matematika kafedrasining o'qituvchisi

³ Toshkent Davlat Iqtisodiyot Universiteti Oliy va amaliy matematika kafedrasining o'qituvchisi

beliglashlarni kiritib olamiz:

$$c := c(\pi, \lambda), c' := c'(\pi, \lambda), s := s(\pi, \lambda), s' := s'(\pi, \lambda).$$

1-xossa. a) $c(x, \lambda)$ va $s(x, \lambda)$ funksiyalar x o'zgaruvchining har bir tayinlangan qiymatida λ parametrga nisbatan butun funksiyalardir.

b) $c(x, \lambda)s'(x, \lambda) - c'(x, \lambda)s(x, \lambda) = 1$ ayniyat bajariladi.

Teorema 1.1. Ushbu

$$\begin{cases} Ly \equiv -y'' + q(x)y = \lambda y \\ y(0) = y(\pi) \\ y'(0) = y'(\pi) \end{cases} \quad (1.3)$$

masalaning xos qiymatlari haqiqiydir. Bu masalaga davriy masala deyiladi.

Teorema 1.2. Davriy masalaning xos qiymatlari $\Delta(\lambda) - 2 = 0$ tenglamaning ildizlari bilan ustma-ust tushadi, bu yerda

$$\Delta(\lambda) = c(\pi, \lambda) + s'(\pi, \lambda).$$

$\Delta(\lambda)$ funksiyaga (1.1) masalaning Lyapunov funksiyasi yoki Xill diskriminanti deyiladi.

Teorema 1.1'. Ushbu

$$\begin{cases} Ly \equiv -y'' + q(x)y = \lambda y \\ y(0) = -y(\pi) \\ y'(0) = -y'(\pi) \end{cases} \quad (1.4)$$

masalaning xos qiymatlari haqiqiydir. Bu masalaga antidavriy masala deyiladi.

Teorema 1.2'. Antidavriy masalaning xos qiymatlari $\Delta(\lambda) + 2 = 0$ tenglamaning ildizlari bilan ustma-ust tushadi.

Natija. $\Delta(\lambda) - 2 = 0$ va $\Delta(\lambda) + 2 = 0$ tenglamalarning ildizlari haqiqiy.

Misol. (1.1) tenglamada $q(x) \equiv 0$ bo'lsin. U holda

$$c(x, \lambda) = \cos \sqrt{\lambda} x, \quad s(x, \lambda) = \frac{\sin \sqrt{\lambda} x}{\sqrt{\lambda}}$$

bo'ladi. Bundan Lyapunov funksiyasi ushbu

$$\Delta(\lambda) = c(\pi, \lambda) + s'(\pi, \lambda) = \cos \sqrt{\lambda} \pi + \cos \sqrt{\lambda} \pi = 2 \cos \sqrt{\lambda} \pi$$

tenglik bilan berilishi kelib chiqadi.

$\Delta(\lambda) - 2 = 0$ tenglamaning ildizlarini, ya'ni davriy masalaning xos qiymatlarini topamiz:

$$2 \cos \sqrt{\lambda} \pi - 2 = 0,$$

$$\cos \sqrt{\lambda} \pi = 1,$$

$$\pi \sqrt{\lambda} = 2\pi n, \quad n = 0, 1, 2, \dots,$$

$$\lambda = (2n)^2, \quad n = 0, 1, 2, \dots$$

Demak, bu holda davriy masalaning $\lambda_0 = 0$ xos qiymati karrasiz, qolgan barcha xos qiymatlari ikki karrali ekan: $\lambda_{2n-1} = \lambda_{2n} = (2n)^2$, $n = 1, 2, \dots$. Bu xos qiymatlarga quyidagi ortonormallangan xos funksiyalar mos keladi:

$$y_0(x) = \frac{1}{\sqrt{\pi}}, \quad y_{2n-1}(x) = \sqrt{\frac{2}{\pi}} \cos 2nx, \quad y_{2n}(x) = \sqrt{\frac{2}{\pi}} \sin 2nx, \quad n = 1, 2, \dots$$

Endi esa, $\Delta(\lambda) + 2 = 0$ tenglamaning ildizlarini, ya'ni antidavriy masalani xos qiymtlarini topamiz:

$$2 \cos \sqrt{\lambda} \pi + 2 = 0, \quad \cos \sqrt{\lambda} \pi = -1,$$

$$\sqrt{\lambda} \pi = \pi + 2\pi n,$$

$$\lambda = (2n + 1)^2, \quad n = 0, 1, 2, \dots$$

Bu holda antidavriy masalaning barcha xos qiymatlari ikki karrali bo'ladi:

$$\mu_{2n} = \mu_{2n+1} = (2n + 1)^2, \quad n = 0, 1, 2, \dots$$


Lyapunov funksiyasining ushbu

$$\Delta(\lambda) = 2 \cos \sqrt{\lambda} \pi, \quad \lambda \geq 0,$$

$$\Delta(\lambda) = 2 \operatorname{ch} \sqrt{|\lambda|} \pi, \quad \lambda < 0$$

ifodalaridan uning grafigi quyidagicha bo'lishi ko'rinadi:

(1-rasm)



Endi $\Delta(\lambda)$ funksiyaning asimptotikasini o'rganamiz. Buning uchun avvalo, ushbu

$$\begin{cases} -c'' + q(x)c = \lambda c \\ c(0, \lambda) = 1 \\ c'(0, \lambda) = 0 \end{cases} \quad (1.5)$$

$$\begin{cases} -s'' + q(x)s = \lambda s \\ s(0, \lambda) = 0 \\ s'(0, \lambda) = 1 \end{cases} \quad (1.6)$$

masalalarga ekvivalent bo'lgan integral tenglamalar tuzib olamiz. Ular quyidagicha bo'ladi:

$$c(x, \lambda) = \cos \sqrt{\lambda} x + \int_0^x \frac{\sin \sqrt{\lambda}(x-t)}{\sqrt{\lambda}} q(t) c(t, \lambda) dt, \quad (1.7)$$

$$s(x, \lambda) = \frac{\sin \sqrt{\lambda} x}{\sqrt{\lambda}} + \int_0^x \frac{\sin \sqrt{\lambda}(x-t)}{\sqrt{\lambda}} q(t) s(t, \lambda) dt. \quad (1.8)$$

Bulardan hosila olsak,

$$c'(x, \lambda) = -\sqrt{\lambda} \sin \sqrt{\lambda} x + \int_0^x \cos \sqrt{\lambda}(x-t) q(t) c(t, \lambda) dt, \quad (1.9)$$

$$s'(x, \lambda) = \cos \sqrt{\lambda} x + \int_0^x \cos \sqrt{\lambda}(x-t) q(t) s(t, \lambda) dt \quad (1.10)$$

kelib chiqadi.

Lemma 1.1. $\sqrt{\lambda} = k = \sigma + i\tau$ bo'lsin, u holda quyidagi asimptotik formulalar o'rinlidir:

- 1) $c(x, \lambda) = \underline{O}(e^{|\tau|x}), \quad |k| \rightarrow \infty, \quad x \in [0, \pi],$
- 2) $c(x, \lambda) = \cos kx + \underline{O}\left(\frac{e^{|\tau|x}}{|k|}\right), \quad |k| \rightarrow \infty, \quad x \in [0, \pi],$
- 3) $c'(x, \lambda) = -k \sin kx + \underline{O}(e^{|\tau|x}), \quad |k| \rightarrow \infty, \quad x \in [0, \pi],$
- 4) $s(x, \lambda) = \underline{O}\left(\frac{e^{|\tau|x}}{|\chi|}\right), \quad |\chi| \rightarrow \infty, \quad x \in [0, \pi],$
- 5) $s(x, \lambda) = \frac{\sin kx}{k} + \underline{O}\left(\frac{e^{|\tau|x}}{|k|^2}\right), \quad |k| \rightarrow \infty, \quad x \in [0, \pi],$
- 6) $s'(x, \lambda) = \cos kx + \underline{O}\left(\frac{e^{|\tau|x}}{|k|}\right), \quad |k| \rightarrow \infty, \quad x \in [0, \pi].$

Natija 1. Ushbu

$$\Delta(\lambda) = 2 \cos \sqrt{\lambda} \pi + \underline{O}\left(\frac{e^{|\operatorname{Im} \sqrt{\lambda}| \pi}}{\sqrt{\lambda}}\right), \quad |\lambda| \rightarrow \infty,$$

asimptotik tenglik o'rinli.

Natija 2. Ushbu

$$\Delta(\lambda) = 2 \cos \sqrt{\lambda} \pi + \underline{O}\left(\frac{1}{\sqrt{\lambda}}\right), \quad \lambda \rightarrow +\infty$$

asimptotik formula o'rinli. Demak, $+\infty$ da $\Delta(\lambda)$ funksiyaning qiymatlari $[-2, 2]$ kesma atrofida bo'ladi.

Natija 3. $\lambda < 0$ bo'lsin, u holda $\sqrt{\lambda} = i\sqrt{|\lambda|}$ bo'ladi va

$$\Delta(\lambda) = 2ch\sqrt{|\lambda|}\pi + O\left(\frac{e^{\sqrt{|\lambda|}\pi}}{\sqrt{|\lambda|}}\right), \lambda \rightarrow -\infty$$

asimptotik formula bajariladi.

Agar $\lambda = (2m+1)^2$ desak, $\Delta(\lambda) - 2 = -4 + O\left(\frac{1}{m}\right)$ bo'ladi. Bu tenglikdan $\Delta(\lambda) - 2 = 0$

tenglama kamida bitta haqiqiy yechimga ega ekanligi ko'rinadi. Bu tenglamaning eng kichik ildizini λ_0 orqali belgilaymiz.

Teorema 1.3. Ushbu

$$\frac{d\Delta(\lambda)}{d\lambda} = \int_0^\pi \{c'(\pi, \lambda)s^2(t, \lambda) + [c(\pi, \lambda) - s'(\pi, \lambda)]c(t, \lambda)s(t, \lambda) - s(\pi, \lambda)c^2(t, \lambda)\} dt$$

formula o'rinli.

Teorema 1.4. A) λ son $\Delta(\lambda) = 2$ tenglamaning karrali ildizi bo'lishi uchun $s(\pi, \lambda) = 0$, $s'(\pi, \lambda) = 1$, $c(\pi, \lambda) = 1$, $c'(\pi, \lambda) = 0$ tengliklar bajarilishi zarur va yetarlidir.

B) λ son $\Delta(\lambda) = -2$ tenglamaning karrali ildizi bo'lishi uchun

$$s(\pi, \lambda) = 0, s'(\pi, \lambda) = -1, c(\pi, \lambda) = -1, c'(\pi, \lambda) = 0$$

tengliklar bajarilishi zarur va yetarlidir.


Teorema 1.5. A) Agar λ son $\Delta(\lambda) = 2$ tenglamaning karrali ildizi bo'lsa, $\ddot{\Delta}(\lambda) < 0$ bo'ladi. Xususan, bu nuqtada $\Delta(\lambda)$ funksiya lokal maksimumga erishadi.

B) Agar λ son $\Delta(\lambda) = -2$ tenglamaning ildizi karrali bo'lsa, $\ddot{\Delta}(\lambda) > 0$ bo'ladi. Xususan, bu nuqtada $\Delta(\lambda)$ funksiya lokal minimumga erishadi.

Natija 1. $\Delta(\lambda) \pm 2 = 0$ tenglama ildizlarining karrasi ikkidand oshmaydi.

Natija 2. $\Delta(\lambda) - 2 = 0$ tenglamaning eng kichik ildizi karrasizdir. Haqiqatdan ham, agar u karrali bo'lsa, bu nuqtada lokal maksimum bo'lar edi, natijada bundan kichik ildiz topilgan bo'lar edi.

Natija 3. Yuqoridagi teoremlarni hisobga olib, Lyapunov funksiyasining grafigi quyidagicha bo'lishini ko'ramiz:



(2-rasm)

Ushbu

$$-y'' + q(x+t)y = \lambda y, x \in R \quad (1.11)$$

tenglamani ko'rib chiqamiz, bu yerda t haqiqiy parametr. (1.11) tenglamaning quyidagi $c(0, \lambda, t) = 1$, $c'(0, \lambda, t) = 0$, $s(0, \lambda, t) = 0$, $s'(0, \lambda, t) = 1$ boshlang'ich shartlarni qanoatlantiruvchi yechimlarini $c(x, \lambda, t)$ va $s(x, \lambda, t)$ orqali belgilaymiz. (1.11) tenglama uchun Lyapunov funksiyasi ushbu

$$\Delta(\lambda, t) = c(\pi, \lambda, t) + s'(\pi, \lambda, t)$$

formula bilan beriladi.

Teorema 1.6. Ushbu ayniyat o'rinli $\Delta(\lambda, t) \equiv \Delta(\lambda)$, ya'ni Lyapunov funksiyasi t parametrغا bog'liq bo'lmaydi.

Natija. Ma'lumki (1.11) masalaning spektri $-2 \leq \Delta(\lambda, t) \leq 2$ tengsizlik bilan aniqlanadi. Teorema 1.6 ga ko'ra ushbu tengsizlikning yechimi $-2 \leq \Delta(\lambda) \leq 2$ tengsizlikning yechimi bilan ustma-ust tushadi. Demak, (1.11) masalaning spektri t parametrغا bog'liq emas ekan, uning spektri (1.1) masalaning spektri bilan ustma-ust tushar ekan.

Adabiyotlar:

1. Sotvoldiyev A.I., Yuldashev S.A. Matematik modellashtirish va matematik model qurish metodlari. Pedagog respublika ilmiy jurnali. Uzbekistan. 2023. 5-son. 44-50 betlar. <http://sjifactor.com/passport.php?id=22889>
2. Sotvoldiyev A.I. Kobb-Duglas ishlab chiqarish funksiyasi haqida. Journal of New Century Innovations. Uzbekistan. 2023. Vol. 34, Issue 1. pp. 102-105. <http://sjifactor.com/passport.php?id=22366>
3. Yuldashev S.A. Yuqori tartibli differensial tenglamalarni o'qitish metodikasi. O'zbekistonda fanlararo innovatsiyalar va ilmiy tadqiqotlar jurnali. Uzbekistan. 2023. 18-son. 1348-1354 betlar. <https://bestpublication.org/index.php/ozf/article/view/5534>
4. Azatova S.N. Tenglamalarni yechishga o'rgatishda o'quvchilarda tartibga solish universal o'quv harakatlarini shakllantirish haqida. Муаллим ҳам узликсиз билимлендирийў jurnali Uzbekistan. 2023. 173-178 betlar
5. Yuldashev Sanjarbek Arslon o'g'li. (2023). Moliyaviy ehtimollar nazariyasi. Ta'lim innovatsiyasi va integratsiyasi, 5(1), 66-68. Retrieved from <http://web-journal.ru/index.php/ilmiy/article/view/532>
6. Ostonaqulov. D.I. Aniqmas integral va uning ba'zi iqtisodiy tatbiqlari. Journal of New Century Innovations, 34(1), 2023. 106-112. Retrieved from <http://www.newjournal.org/index.php/new/article/view/8409>
7. Yuldashev Sanjarbek Arslon o'g'li. (2023). APPLICATION OF THEORY OF PROBABILITY IN SOLVING ECONOMIC PROBLEMS. Galaxy International Interdisciplinary Research Journal, 11(10), 358-362. Retrieved from <https://internationaljournals.co.in/index.php/giirj/article/view/4491>
8. Gafurjan Ibragimov, Omongul Egamberganova, Idham Arif Alias and Shravan Luckraz. On some new results in a pursuit differential game with many pursuers and one evader. AIMS Mathematics, 8(3): 6581-6589. <http://www.aimspress.com/journal/Math>

9. Omonov Sherzod Shavkat o'g'li. (2023). INTEGRATION OF THE NONLINEAR MODIFIED KORTEVEG-DE FRIES EQUATION LOADED IN THE CLASS OF PERIODIC FUNCTIONS. Web of Technology: Multidimensional Research Journal, 1(8), 16–20. Retrieved from <https://webofjournals.com/index.php/4/article/view/353>
10. Omonov Sherzod Shavkat o'g'li. (2023). INTEGRATION OF KAUP'S LOADED BORDER SYSTEM IN THE CLASS OF PERIODIC FUNCTIONS. Spectrum Journal of Innovation, Reforms and Development, 21, 1–6. Retrieved from <https://sjird.journalspark.org/index.php/sjird/article/view/806>